

ابونه فيثاتی

ممالك عثمانیه ایله بلغارستان بوسنه

هرسك مصر ، قبريس

و كريد ايچون

سنه لك ۱۲۰ آلتی آیلنی ۷۰

عروشدر

استانبول ایچون سنه لکی ۱۰۸

عروش

فولک

اتحاد محمدی جمعیتك مروج افكاریدر

برنجی سنه

صاحب و مدیر مسئولی

قبریسلی درویش وحدتی

مورتحریریه ایچون مدیرمسئوله

مراجعت اولنور

آذره بی :

یره باتانده ساقی بك مطبعه سی

۱۷ مارت ۳۲۵ ۳۰ مارت ۱۹۰۹

صالی

۸ ربیع الاول ۱۳۲۷

« براز حقیقت » دن

— ولایات ثلاثه نك حالی نه اوله جق —

مشروطیت اداره ساحه آرای حصول اولدقن صوکره قاجریلان بعض فرصتارک جزاسیدرکه ، چکیلیور . . . وقتا که انقلاب مسعدتمآب قلبری تسیر ، کوزلری تنویر ایلدی . چته رئیسلی مناسستر ، سلانیك واسکوب قصبه لرنده ایاب وذهابه باشلادیلر . اسکوبده کیلری تدقیق ایدردم .

« عجارلر » ی آپوستولک شهرتی بیلد . یکمدن بونی قارش یقهده یکی آچیلان قرا . نخانهده دفعتله کوردم ، ذاتاً برچته ریاستی اداره ایتک ، اولدقجه ایش بجرمکه مقتدر اولمق دیمک اولدیغندن بوواسیل قپودانک حقا که ایشنک اری اولدیغنی اکلادم . اسکوبه « واردار کونشی » دنیلان (آپوستول) قپودان دخی گلش ایدی . بونی ده تدقیق ایلدم . . . بوآدملر ، دها دیکرلری آیلرجه کزوب توزدیلر . نه ایله کچندکلرینی صوران اولدی . برکون ، برآی نهایت پارهیه محتاج قالدیلر . چونکه برغازینویه کیردکلرنده اطرافلرینه برچوق بیلدکلوی کلیر ، بول بول بیرالر . اصمارلانیردی . اشبو قپودانلر کویله کیدرلردی ، مصرفلر ایدرلردی پاره نردن . . .

الیوم حال بومرکزدهدر . . « روم ایلی ولایات عثمانیه سی مفتش عمومیه سی » درت ماه بوحالی کوردی ، بوآدملرکه ایکی یوزی متجاوز ایدی نه ایچون برایش ایله اشغال ایدلمدی ؟ نهایت طاغه چقه جقلرینی نه ایچون دوشونه مدی ؟ بوآدملره برر صورته ایش بوله رق ، وطنپرورانه حرکات تلقین قلنهرق انسان صرهنه قونولماغه سبب نه ایدی ؟ بو صورتی تعقل ایده مدی دینه من ، فقط نه ایچون ؟ نه ایچون ؟؟؟

بلغار ، روم ، اولاح ، صرب عناصری یکدیگریك قانلرینی دوکیورلر . بوکا سبب پاپاسلر ایله داسقاللردر . پاپاسلر جنت قپوسنی ، داسقاللر کیسه نك آغزینی آچارلردی . حالا حال بویله اولسه کرکدر ! ایجاب ایدنلری معنا ، اقتضا ایلیانلری مالا تسخیر و افای وجوده تشویق ایلرلر . عناصر مختلفه نك یکدیگرینی اولدیرمک بدل معنویسی جنت ! اولدیغنی قاندرمش اولان پاپاسلر ، شمندی بونک مقابل جهنم اوله جغنی بچاره کویلوویه نصل سویلیه جکلر ؟ بو حاله چاره یوق دکندر . بوچاره کوچك موقعده بولنلر طرفلرندن بیلدیرلدی ، فقط اهمیت ویرلمدی . نه ایچون ؟ نه ایچون ؟؟؟

ولایات مذکورده — سلانیك برقسم اهالیسندن ماعدا — اسلامه عارض اولان

جهالت آجینه جق درجه دهدر . متحیزانی معارفه عدو نظریله باقارلر . اسکوبده بلغار ، صرب مکتبایرینه گروه گروه طلاب کیدرکلر ، حتی مکتب قزلری فرقه فرقه مکتبه واریر . بز مکیلر او یورا بو حال اولیای امورجه معلومدر ، معلوم ایدی . نه ایچون ایقاظ ایدلمدی نه ایچون ؟ نه ایچون ؟ ؟

یوکسک ، یوکسک معاشرلر آلتدی فقط وظیفه دارلر اهالی اسلامیه بی ذره قدر او یاندره مدیلر . . شمندی عناصر غیر مسلمه ترکیه اوقیوب یازمغه قویولدیلر . تا که قوانین و نظاماتی تمامیه او کرسونلر ، صوکره بالاقتدار فلان مأموریتلری ایسترز ، امتحان آرانیر ایسه : حاضرزدیسونلر . مهارفلر سایه سنده بونلر تجارت کشورینی ضبط ایده جکلرده بز مکیلره : « کل بکا خدمت ایله » دیه جکلر ! حفظنا الله .

ابوالفیضی

— طریق حقه دعوت — .

اسافل ناس وادانی اشخاصدن بعضیلرینی کور . بیورم که طریق حقدن ذهولله اعتقادات باطله یه ذاهب اوله رق اجدادلرینک طوتدینی رادسماد . نپناهی ترک ایتمش ، کوزلرنده . . . ملمع کوزلک اوزرلرنده . . . مرصع کسوة لایقانه لری اولدیغنی حالده زمان ؛ زمان حریت دیهرکلیل ونهار انواع مسکرات استعمالیه مست لایعقل .



خرلایفهم کبی پیش و پس زمانده دولاشمه قله
امرار اوقات ایلمکده بولمشلردر . حریتک
معناسی عجایبومی ؟ !

وا اسفاکه : بوکبی فروما یکانک سزاوار
لغت احوال قبیحه ، افعال مذمومه لرینه علاوه ده
علوم و فنون دیه او قودقلمی دروس غیر مأنـ
سه نك كنهنه واقف اولمدهن ، امور شرعك
مزایا و دقایقه ، قرآن کریمك رموز و حقایقه
— بر آزاو لسون — اطلاع ایتمدن کندی لرینه
چکی دوزمن و یردك علمدن فضیلتدن بخله
ابراز نمایش و هنر ، اتحاد محمدی جمیت محترـ
مه سنك مقصد اصلی و حقیقی سنك نه دن عبارت
اولدیغی ادراك ایلمدهن صیباحدن اقشامه
قدر اوتوده بریده — مخلوقدن دکل خالقدن
بیله — او طامع سزین — حاشام حاشا — بعض
هذیان و تفوّهات آمیز کلاملرله طنین انداز
اوله رق عالم اسلامیتك سکوتی ، سکوتنی اخلال
ایدیور ، دنیا و عقباده رزیل و رسوا اولیورلر .
شناعت ، فضاحتلری ینه کندی لرینه قالیور !
مفسدلردن ماعدا هر کسجه معلومدرکه
آمال و اجتهاد خیرخواهانه سی مجرد اعلاى
کلمة الله معطوف و اهتمام و مقصد یکانه سی شرـ
یتمك از سرنو احیاسنه اشعه نثار اولمسنه
مصروف اولان جمیت مقدسه هر شائبه دن
مصوندر . بناء علیه لغرض علیهنده لافزن
اولانلر جاهل و هر زمان و مکانده خائب و خاـ
سردرلر .

دور سابقده شریعت مطهریه کوره عمل
ایتمکدن صرف نظر قانون الهینك برجه
احکامنی احمایه قالقشمش و معتابه اقسامك
تدریسی ، نشرینی منع ایلمش ایدیلر ! دکلکی ؟
اوت ؟ زمان مشغوم رجالتك معاملله واقعه
بی ادبانه لری ، شریعت احمدیه یه عدم انقیاد لرینی ؛
غیرة اللهك صدورینه سبب محض اوله رق
سفیلر ، خائنلر مقهور و مخدول اولدیلر .

ایشته احکام الهیه اهانته نظریله بقانلرک
نتیجه حالی بویله و خیمدر . سوریلان ذوق
وصفالر ، سرور و آهنگلر بویله جه کال ردالتله
ختم بولور . ای نامعتقد ، خائن دین اولنلر !

برکون کله چك كه سزك ده باشكزه ده اشد برضربه
عدالت الهی اوریله جق . . جنساب حقمك
قانوننه ، احکام الهیه سنه سرفروی اجابت
اولیانلر دایما مخدول و عون باریدن محرومدرلر .
قور دقلمی دولابلر ، آشیانه دایس هپ
کندی باشلرنده قیریلور . ویران اولور .

اذالم یکن عون من الله لانتی

قاول مایجنی علیه اجتهاده

رهبر نجات ، عروء و ثقا اولان شریعت
تمسك ، ارکان دینی بحق التزام ایدنلر بیلمش
اولسونلر که داریندن فائز و فائقدرلر . علیهلرنده
سویلنان سوزلر عوعوء کلاب مشابه سنده در .
شریعته اعتماد ایتك ، شریعتی پیشوا قیلیمق ؛
جناب اللهه اعتماد ، خالق دلیل ایتك دیمکدر .
(من یتوکل علی الله . . .) شریعت نه در ،
بیله لم ، قرآن عظیمه اعتقاد ایدلم . اما طبقه
جهلا ، فرقه بدلا کبی بیلمیه لم . شریعت یغنی
قانون الهی ؛ قوللرک ، مخلوقاتك سرمایه سعادت
دنیا ، واسطه نجات عذاب عقنابی اولمق اوزره
جناب مالک الملک جانبندن انزال بیورلمش مقدس
کلام اللهدر . او قدر مقدس که کتاب مستطابك
هر آیت کریمه سنده دکل هر برکله سنده ، حرفنده
بیله سلامت ، عدالت موجوددر . رونمودر .
بتون ملت اسلامیه نك ، عموم تبعه عثمانیه نك
مساوات دائره سنده حقوقی محافظه و وقایه یه
کافل و آمر بولنان بوا حکام جلیله سبحانیه دن
دها مبجل ، دها معزز ، دها مقدس برشی
تصور اولنه بیلمی ؟ حاشا ! بونی انکار
ایتمك قابلمی ؟ اصلا . . . ایشته . . . میدانده !
بوکون دین یولنده ، وطن اوغرنده غزا
جهاد وارديه عالم اسلامیه جزئی بر اشارت
ایتسهك کره ارضك اک هجرى ، اک بعید کوشه
سنده متوطن دینداشلر یتمك اعماق قلبنده
بر تاثیر دیانت حاصل ، بر جذبۀ روحیه ، بر شوق
جهاد پیدا ، اک اوفق شریانلرنده بر غلیان ،
شعله برقه مقارن بر نور اسلامیت ، بر اکثر
یقیت دینیه جریان ایلر وهمان طرف طرف
قوشوب کلورلر . بو هپ شریعت سایه سنده
هپ دین اوغورنده ! اوت ، مسلمانم دیان

هر ذاتك اوزرنده بو تاثیر طبیعی الحصولدر .
لکن شریعت ، طهارت نه اولدقنی بیلمیه نك
قضای حاجتدن صکره ورقله طهارت ایدن
زندیقلم اوزنده بویله بر تاثیرك حصول عظیم
الامکاندر . عدالت سزلکدن ، شریعته عدم
اطاعتدن بو قدر سنه دنبری سرتاسر مدهشجه
رخنه دار اولان ، ترلزله اوغرایان سفینه دولتك
تحمل فرسا ، داخلی ، خارجی ضربلره ،
یومروقلره پهلوسنی سپر ایدرهك ایدار اولمسی
دین مبین محمدی سایه سنده دکل ؟ اوچوز
یکرمی ایکی سنه سنده مالک عثمانیه تقسیم ایتك
فکر سقیمنده بولنان دول معامله طرفندن
بزه و یریلن اولتیماتوم اوزینه هرکوشه دن ،
هر نقطه دن اسلاملرک بردن بره نوران ایتمی
جمله یی جبراً صوصدیرمدیمی ؟ دهها صکره
تکرار اتفاق ایتش ایکن عنایت الله حصولیه
اداره مشروطیه انقلابم آنلرک سکوتنه ،
فکرلرندن جایسنه سبب اولمدیمی ؟ بونلر هپ
اسلامیت ، شریعت سایه سنده تیسر نمای حصول
بولدی . یشاسون شریعت !

مابعی وار

اریللی قیه زاده

م . . . بدرالدین

عرفی

اسلام — نفاق

دین مبین احمدی و شریعت ویم محمدی
مکه مکرمه دن طلوع ایلدیکی زمان عالم انسانیت
بتون ظلام جهل و شرک ایله مملو یکن هیچ
برکسه نك زیر حمایه سنه التجایی قبول ایتیه نك
او قدر هجمات متوالیه مشرکینه رغما کوندن
کونه سرعتله توسیع دائره ایلدیکی و هیچ
برطرفدن مظهر معاونت مادیه اولدیغی حالده
بوکون دنیا ده موجود عناصر ایچنده اسلامدن
چوق بر عنصر اولمدینی حتماً تمجد ایدانده در .
دین مبین مسلمین بر طریق مستقیم اوزره
سالک بولوندیغندن محضاً عنایت الهیه دایما
کندوسنه رهبر اولمش و هیچ بر مفسد او ، دینه
القای فساد موافق اوله مامشدر .